



## **Universitätsbibliothek Paderborn**

### **Geschichte der geistlichen Stiftungen, der adlichen Familien, so wie der Städte und Burgen der Mark Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1856**

X. Vertrag des Rathes zu Spandow mit den Bauern zu Stacken über die Benutzung einer gemeinschaftlichen Lehmgrube auf der Feldmark Spandow's oder Stacken's, vom 11. September 1336.

[urn:nbn:de:hbz:466:1-54728](https://nbn-resolving.org/urn:nbn:de:hbz:466:1-54728)

IX. Markgraf Ludwig verleiht dem Gebolf von Myseinkouny die Besitzungen, welche die von Cheyn ehemals in Ober- und Nieder-Synow und in den Dörfern Köthen, Falkenberg und Lichterfelde besaßen, am 25. November 1334.

Nouerint etc. Quod nos etc. Contulimus et presentibus conferimus iusti pheodi tytulo strenuo militi Gebolfo de Myseinkouny, sincere nobis dilecto, suisque heredibus omnia allodia, mansos, agros, areas, paludes, prata, ligna, stagna, necnon vniuersaliter et singulariter vniuersa bona qualitercunque nominata culta vel inculta, quondam per Strenuos viros michahelem et Henricum eius filium de cheyn bone recordationis, qui heredibus capacibus non derelictis decesserant, in opidis videlicet tam superiori quam inferiori Vynowe, in villa Kotten, in villa Valkenberg et in villa Lichteruelde in terminis vel limitibus ipsorum sita, cum omnibus ipsorum iuribus, libertatibus, gratiis, commodis, honoribus et pertinentiis quibuscunque possessa et habita, per eorundem decessum ad nos legitima deuolutione deuoluta, sine inquietatione qualibet perpetuis temporibus pacifice possidenda. Conferentes etiam eidem suisque heredibus meritorum suorum singularium consideratione decem frusta denariorum Brandenburgensium annuorum reddituum cum vniuersis ipsorum iuribus et pertinentiis cum precaria et curruum seruicio in villa predicta Lichteruelde, que absolute et libere nobis pertinebant et nostra fuerant quiete in antea tenenda pariter et habenda. In cuius etc. Datum Spandowe, anno domini M<sup>o</sup>. CCC<sup>o</sup>. XXXIII<sup>o</sup>., In die katherine virginis.

Nach dem Copialbuche des M. Ludwig I., betr. die Vogtei Waraim Nr. 12. Gerken hat statt Myseinkouny gelesen Nyseinkouny Codex VI, 432.

X. Vertrag des Rathes zu Spandow mit den Bauern zu Stacken über die Benutzung einer gemeinschaftlichen Lehmgrube auf der Feldmark Spandow's oder Stacken's, vom 11. September 1336.

In nomine domini amen. Ne ea, que aguntur in tempore simul labantur lapsu temporis, solent poni in lingua testium et scripture memoria perennari. Nos igitur consules ciuitatis Spandow in his scriptis publice profiteamur, quod cum villanis ville Stacken vnanimiter concordauimus in hunc modum, quod ipsi debebunt argillam de fouea seu fundo nostre ciuitatis fodere seu communem argille foueam cum nostris ciuibus et tali precio, sicut nos argillam comparamus, comparare, pacto tamen tali adiecto, quod postquam predicta fouea argille seu fundus defecerit, in fundo seu agro prefatorum villanorum nobis et nostris ciuibus argillam fodere seu argille foueam retinere sine omni contradictione licebit. In residuo vero agro sepedicti villani, si eis placuerit, poterunt feminare. Ne igitur de hoc facto in posterum oriatur dubitacio, presencia nostro sigillo fecimus communiri. Testes huius sunt: dominus Wilhelmus prepositus sanctimonialium in Spandow, dominus Nicolaus plebanus apud S. spiritum ibidem, Arnoldus de Groben, aduocatus eiusdem loci, Coppekinus de Groben. Et in maiorem firmitatem ipsorum sigilla pariter sunt appensa. Datum anno domini millesimo trecentesimo trecesimo sexto, feria quarta post festum natiuitatis Marie virginis gloriose.

Nach Födicin's Mittheilung aus dem rathhäuslichen Archive zu Spandow.